

## Uorden tier il Reglament pil diever da stabiliments communal (URSC)



Sebasond sin artechel 11 dil Reglament pil diever da stabiliments communal relai la suprastanza communal il suadont uorden pil diever dils stabiliments da sport el liber:

1. Igl ei da prender risguard sin auters utilisaders e sin ils vischins.
2. Entras giugs ni autras activitads astgan las cuvridas, ils baghetgs e stabiliments buca vegnir donnegiai ni tschuffernai.
3. Igl ei scumandau da carrar cun vehichels sin quels plazs.
4. Igl ei da prender risguard sch'ils plazs ston vegnir serrai muort bletschira, muort lavurs da manteniment ni sch'ei vegn semnau ni plantau da frestg entuorn ils stabiliments.
5. Sils plazs regia scamonda da tgauns.
6. Il temps d'avertura dils stabiliments el liber vegn reglaus sco suonda:  
gliendisdis- venderdis: 07.30 – 12.00 uras e 13.00 – 21.00 uras  
sondas: 10.00 – 12.00 uras e 13.00 – 21.00 uras  
dumengias e firaus: 13.00 – 21.00 uras

Sin damoda a scret sa la suprastanza communal lubir il diever dils stabiliments el liber ordeifer ils suranumni temps d'avertura.

7. All'entschatta da mintga perioda d'uffeci numna la suprastanza communal la persuna responsabla pil diever dils stabiliments el liber.
8. Durent il meins da fenadur e durent las vacanzas da Nadal restan las localitads communalas serradas. Excepziuns en cass specials stattan en cumpetenzza dalla suprastanza communal.

Quei uorden executoric ei vegnius approbaus a caschun dalla suprastanza communal dils 23 da matg 2011. Quella revisiun digl uorden tier il reglament RSC va en vigur cun la decisiun da suprastanza dils e remplazza igl uorden tier il reglament pil diever da stabiliments communal dils 10 da zercladur 2005.

### Suprastanza communal Trun

Il president	Igl actuar
Donat Nay	Plazi Decurtins